



**Broj: T01 0 KTO 0041745 22**

*Bihać, 3. juli 2024. godine*

**KANTONALNI SUD BIHAĆ  
-sudiji za prethodno saslušanje-**

Na osnovu odredaba člana 45. stav 2. tačka "i)" i člana 241. stav 1. Zakona o krivičnom postupku F BiH, **p o d i ž e m:**

**OPTUŽNICU**

**PROTIV:**

- 1. ĆATIĆ ELVEDIN** - rođen 1979. godine.
- 2. VEHABOVIĆ DŽEVAD** – rođen 1989. godine.
- 3. VEHABOVIĆ DŽEMAL** – rođen 1985. godine.
- 4. SPAHIĆ EMIR** – rođen 1985. godine.
- 5. DIZDAREVIĆ KAMEL** – rođen 1992. godine.

**ŠTO SU**

**1. Ćatić Elvedin, Vehabović Dževad, Vehabović Džemal i Spahić Emir (skupa):**

Od aprila mjeseca 2022. godine pa do 28. 9. 2022. godine na području općine Bosanski Petrovac i općine Velika Kladuša, Ćatić Elvedin svjestan da organizira grupu ljudi radi neovlaštene proizvodnje opojne droge, znajući da je proizvodnja opojne droge zakonom zabranjena, a što je i htio, u cilju sticanja imovinske koristi organizirao grupu ljudi koju su pored njega činili Vehabović Džemal, Vehabović Dževad i Spahić Emir, a koji su bili svjesni da djeluju kao članovi grupe formirane radi činjenja krivičnog djela *Neovlaštena proizvodnja i stavljanje u promet opojnih droga* iz člana 238. stav 1. KZ F BiH, što su i htjeli, te svjesni da je proizvodnja opojne droge zabranjena, pa su htijući to postupili suprotno odredbi člana 4. stav 1. Zakona o sprečavanju i suzbijanju opojnih droga (Sl. glasnik BiH broj 8/06 103/08 51/11), na način da je u aprilu 2022.godine Ćatić Elvedin kao organizator grupe od njemu poznatih lica nabavio 500 (pet stotina) sjemenki opojne droge *Cannabis sativa*, koju je dao Vehabović Dževadu, a koji je nabavljene sjemenke, prema prethodnom dogovoru sa Ćatić Elvedinom, zasadio u plasteniku pored svoje kuće u naselju Grabovac, općina Velika Kladuša, da bi kada su sjemenke izrasle u stabljike željene dužine Ćatić Elvedin donio plastičnu posudu za rasad i dvije velike vreće zemlje pa je Vehabović Dževad biljke presadio iz plastenika u plastične posude, a zatim su po uputama organizatora grupe Ćatić Elvedina, članovi grupe Vehabović Dževad, Vehabović Džemalom i Spahić Emirom, obradili i pripremili veću površinu zemljišta nepoznatog vlasnika u naselju Skakavac, općina Bosanski Petrovac, a koje zemljište je pronašao Ćatić Elvedin, na kojem zemljištu su u maju 2022.godine uz pomoću

opreme – oruđa za kopanje posadili već iznikle stabljike opojne droge *Cannabis* odnosno presadili iste iz plastičnih posuda u zemlji, poslije čega je Čatić Elvedin svojim prevoznim sredstvima i to kombijem marke „Renault“ i PMV marke „Peugeot“ nepoznatih reg. oznaka i vozilom marke „Škoda“ slovenskih reg. oznaka više puta odvezio članove grupe Vehabović Dževada i Vehabović Džemala na mjesto gdje se nalazio ovaj zasad opojne droge *Cannabis*, koji su potom, pomenuti članovi grupe skupa sa članom grupe Spahić Emirom, a koji je od nastanka zasada na tom zemljištu cijelo vrijeme boravio u naselju Skakavac, u kući vlasništvo Ć. R., a koja se nalazi u blizini zasada, obrađivali, okopavali i zalijevali vodom, provodeći tu po nekoliko dana uzastopno te spavajući pored zasada, za koje vrijeme ih je organizator grupe Čatić Elvedin obilazio više puta donoseći im hranu, vodu i ostale potrepštine, pa su na taj način neovlašćeno proizveli 387 (tri stotine i osamdesetsedam) stabljika opojne droge *Cannabis* dužine od jedan do četiri metra, a zasad kojih stabljike je pronađen dana 28. 9. 2022. godine od strane pripadnika Uprave policije, Sektor kriminalističke policije, dok je u neposrednoj blizini zasada, u PMV marke „Golf“ VW reg. oznaka (...) vlasništvo S. H., a kojeg koristi Spahić Emir, u unutrašnjosti vozila pronađena opojna droga *Cannabis* neto mase 0,210 grama, a opojna droga *Cannabis tetrahidrokanabinol* se nalazi na popisu opojnih droga psihotropnih tvari biljaka iz kojih se može dobiti opojna droga i prekursor temeljem Zakona o sprečavanju i suzbijanju zloupotrebe opojnih droga i podliježe nadzoru po međunarodnim konvencijama o kontroli opojnih droga koje je BiH potpisala.

Dakle, **Čatić Elvedin** organizirao grupu ljudi u cilju učinjenja krivičnog djela Neovlaštena proizvodnja i stavljanje u promet opojnih droga iz člana 238. stav 1. KZ FBiH, te proizvodio opojnu drogu, a **Vehabović Dževad, Vehabović Džemal i Spahić Emir** postali članovi te organizirane grupe ljudi, te proizvodili opojnu drogu.

## **2. Vehabović Dževad, Vehabović Džemal i Dizdarević Kamel (skupa):**

Dana 28. 9. 2022. godine, u 09.55 sati u Bihaću, zajedno i po prethodnom dogovoru, svjesni da je neovlašten prijenos i držanje radi prodaje opojne droge zakonom zabranjeno, a što su i htjeli, postupili suprotno odredbi iz člana 4. stav 1. Zakona o sprečavanju i suzbijanju zloupotrebe opojnih droga (Sl. glasnik BiH br. 08/06) na način da su Vehabović Dževad i Vehabović Džemal dana 27. 9. 2022. godine, došli do plantaže *Cannabis sativa* koju su u tom periodu obrađivali, u mjestu Skakavac, općina Bosanski Petrovac gdje su odsjekli 160 vrhova sa odraslih biljaka opojne droge *Cannabis*, koju je prema njihov zajedničkom dogovoru Dizdarević Kamel trebao prodati i za sebe zadržati novac, zbog čega se sutradan tj. 28. 9. 2022. godine, u jutarnjim satima Dizdarević Kamel svojim putničkim motornim vozilom marke „Fiat Punto“ reg. oznaka (...), dovezao i došao po njih i to u blizinu kafane „Divna“, općina Bosanski Petrovac gdje su utovarili pomenutu opojnu drogu u vozilo, te su se skupa nastavili kretati magistralnim putem M5 prema gradu Bihaću gdje ih je u mjestu Pritoka, grad Bihać prilikom redovne kontrole saobraćaja pokušala zaustaviti patrola policije PS Bihać, pa kada se vozilo nije zaustavilo na znak „STOP“ od strane ovlaštenih službenih lica PS Bihać koji su krenuli za vozilom prinudno je zaustavljeno na benzinskoj pumpi „HIFA“ u naselju Pritoka, grad Bihać, nakon čega je po naredbi Općinskog suda u Bihaću izvršen pretres vozila i lica kom prilikom je u vozilu „Fiat Punto“ reg. oznaka (...) vlasništvo Dizdarević Kamela pronađeno 160 odrezanih dijelova opojne droge *Cannabis*, pakovanje u kojem se nalazi opojna droga *Cannabis* neto mase 3,337 grama, pakovanje sačinjeno u ALU folije u kojem se nalazi opojna droga *Cannabis* neto mase 0,467 grama, dvije ručno motane cigarete sa sadržajem opojne droge *Cannabis* koja se nalazi u kutiji cigareta sa natpisom „Boss Gold“ neto mase 2,250 grama, pakovanje u kojem se nalazi 9 odrezanih dijelova opojne droge *Cannabis*, 5 komada makaza

crne boje i jedna drobilica crne boje sa natpisom „AMSTERDAM“, a *Cannabis tetrahidrokanabinol* se nalazi na popisu opojnih droga psihotropnih tvari, biljaka iz kojih se može dobiti opojna droga i prekursor Zakona o sprečavanju i suzbijanju zloupotrebe opojnih droga i podliježe nadzoru po međunarodnim konvencijama o kontroli opojnih droga koje je BiH potpisala, da bi istog dana prilikom pretresa kuće koju koristi Dizdarević Kamel koji je izvršen po Naredbi Općinskog suda u Bihaću, u ulici (...), grad Bihać, svjestan da je neovlašteno držanje opojnih droga radi prodaje zabranjeno i htijući to, suprotno odredbi člana 4. Zakona o sprečavanju i suzbijanju zloupotrebe opojnih droga (Sl. glasnik br. 08/06) neovlašteno radi prodaje držao pakovanje sa 35 odrezanih dijelova biljke veličine od 13 do 47 cm koje sadrže opojnu drogu *Cannabis*, jednu metalnu drobilicu crne boje sa ostacima opojne droge *Cannabis* neto mase 0,092 grama, jednu metalnu drobilicu crne boje, jednu plastičnu kutijicu plave boje, sve sa tragovima opojne droge *Cannabis*, a *Cannabis tetrahidrokanabinol* se nalazi na popisu opojnih droga psihotropnih tvari, biljaka iz kojih se može dobiti opojna droga i prekursor Zakona o sprečavanju i suzbijanju zloupotrebe opojnih droga i podliježe nadzoru po međunarodnim konvencijama o kontroli opojnih droga koje je BiH potpisala.

**Dakle**, Vehabović Dževad, Vehabović Džemal i Dizdarević Kamel kao saizvršioци neovlašteno prenosili i držali radi prodaje opojnu drogu, a Dizdarević Kamel neovlašteno držao radi prodaje opojnu drogu.

#### **Čime bi:**

**Čatić Elvedin počinio** krivično djelo Neovlaštena proizvodnja i stavljanje u promet opojnih droga iz člana 238. stav 2. KZ F BiH u sticaju sa krivičnim djelom Neovlaštena proizvodnja i stavljanje u promet opojnih droga iz člana 238. stav 1. KZ F BiH, a sve u vezi sa članom 54. KZ F BiH.

**Vehabović Dževad počinio** krivično djelo Neovlaštena proizvodnja i stavljanje u promet opojnih droga iz člana 238. stav 2. KZ F BiH u sticaju sa produženim krivičnim djelom Neovlaštena proizvodnja i stavljanje u promet opojnih droga iz člana 238. stav 1. KZ F BiH, a sve u vezi sa članom 54. i 55. KZ F BiH.

**Vehabović Džemal počinio** krivično djelo Neovlaštena proizvodnja i stavljanje u promet opojnih droga iz člana 238. stav 2. KZ F BiH u sticaju sa produženim krivičnim djelom Neovlaštena proizvodnja i stavljanje u promet opojnih droga iz člana 238. stav 1. KZ F BiH, a sve u vezi sa članom 54. i 55. KZ F BiH.

**Spahić Emir počinio** krivično djelo Neovlaštena proizvodnja i stavljanje u promet opojnih droga iz člana 238. stav 2. KZ F BiH u sticaju sa krivičnim djelom Neovlaštena proizvodnja i stavljanje u promet opojnih droga iz člana 238. stav 1. KZ F BiH, a sve u vezi sa članom 54. KZ F BiH.

**Dizdarević Kamel počinio** produženo krivično djelo Neovlaštena proizvodnja i stavljanje u promet opojnih droga iz člana 238. stav 1., u vezi sa članom 55. KZ F BiH

Stoga stavljam:

**PRIJEDLOG**  
**dokaza koje treba izvesti**

1. (...):

2. (...):

3. (...):

4. (...):

**Predlažem da Kantonalni sud u Bihaću u smislu odredbe člana 5. Zakona o sprečavanju i suzbijanju zloupotrebe opojnih droga i članom 238. stav 4. KZ F BiH od optuženih Čatić Elvedina, Vehabović Dževada, Vehabović Džemala i Spahić Emira oduzme vještačenu materiju opojnu drogu i to:**

- opojnu drogu *Cannabis* - 387 stabljika opojne droge *Cannabis* dužine od 1 do 4 metra

**od optuženog Spahić Emira oduzme vještačena materija opojna droga i to:**

- 0,210 grama opojne droge *Cannabis*

**od optuženog Dizdarević Kamela oduzme vještačena materija opojna droga i to:**

- 35 odrezanih dijelova opojne droge *Cannabis* veličine od 13 do 47 cm
- jedna metalna drobilica crne boje sa ostacima opojne droge *Cannabis* neto mase 0,092 grama
- jedna metalna drobilica crne boje
- jedna plastična kutijica plave boje sve sa tragovima opojne droge *Cannabis*

**od optuženih Vehabović Dževada, Vehabović Džemala i Dizdarević Kamela oduzme vještačenu materiju opojnu drogu i to:**

- 160 vrhova opojne droge *Cannabis*
- opojna droga *Cannabis* neto mase 3,337 grama
- opojna droga *Cannabis* neto mase 0,467 grama
- dvije ručno motane cigarete sa sadržajem opojne droge *Cannabis* (koja se nalazi u kutijici cigareta „Boss Gold“) neto mase 2,250 grama
- 9 odrezanih dijelova opojne droge *Cannabis*

**a koja opojna droga se po pravosnažnosti presude ima uništiti.**

**U smislu odredbe člana 71. stav 1. tačka e), a u vezi sa članom 78. stav 1. predlažem da Kantonalni sud u Bihaću optuženima Čatić Elvedinu, Vehabović Dževadu, Vehabović Džemalu i Spahić Emiru izrekne mjeru sigurnosti oduzimanje predmeta i to:**

- zelena PVC kanta
- gumirano crijevo za vodu neutvrđene dužine
- 22 komada PVC gajbi
- 6 komada manjih PVC saksija za rasad
- 344 komada manjih PVC čaša
- PVC flaša sa crvenim čepom
- motika za okopavanje zemlje

**koji predmeti su pronađeni prilikom vršenja uvidajnih radnji i pobrojani su:**

- (...);

**a kao predmeti upotrijebljeni i namijenjeni za počinjenje krivičnog djela koje se po pravosnažnosti sudske odluke imaju uništiti.**

**U smislu odredbe člana 71. stav 1. tačka e) a u vezi sa članom 78. stav 1. predlažem da Kantonalni sud u Bihaću optuženima Ćatić Elvedinu, Vehabović Dževadu, Vehabović Džemalu, Spahić Emiru i Dizdarević Kamelu izrekne mjeru sigurnosti oduzimanja predmeta i to:**

- mobilni telefon marke „LG“, mobilni telefon „NOKIA 10-34“, mobilni telefon „HUAWEI“ (oštećen) privremeno oduzeti od Ćatić Elvedina;
- mobilni telefon marke „SAMSUNG S9“ privremeno oduzet od Vehabović Dževada,
- mobilni telefon marke „XIAOMI POCO 5G“ privremeno oduzet od Vehabović Džemala,
- mobilni telefonski aparat „REDMI NOTE 9 PRO“ privremeno oduzet od Spahić Emira,
- mobilni telefon „SAMSUNG GALAXY S21“ privremeno oduzet od Dizdarević Kamela

**a koji se predmeti po pravosnažnosti presude imaju uništiti.**

### **REZULTATI ISTRAGE**

**Dokazi koji potkrjepljuju navode optužnice:**

**KANTONALNI TUŽILAC**